

二十一史四譜



二十一史四譜



二十一史四譜

廿一史四譜序

古譜牒之作紀年別系具列世諡與記言記事之書相輔而行太史公讀牒記黃帝以來皆有年數采爲五帝本紀又以成三代世表十二諸侯年表桓君山謂旁行斜上蓋效周譜然則古譜牒雖不傳因史記表尙可考見自尙書春秋作而世紀晦史書盛而譜歷之學或幾乎息矣後世惟氏族之書承用其法特以別宗支聯子姓而名公鉅人則或爲之年譜以志其生平出處之概好事者乃并花葩果實種類之同異器物玩好之微一一譜之而其與正史相表裏顧莫之尙夫紀傳文贍而義密書志詞核而事周

雖工拙異數未嘗不震發於人耳目間至譜牒則條具而件繫之不得馳騁其說著爲恠奇偉麗之觀其闡而不章甚且嗤爲無用也則宜然上下千百年間臚舉其人若事本末相授有條不紊雖庶宗別子派衍而末益分以迨夫遼絕不可知之數而沿流討源一舉目而可得其得姓受氏之始衣冠族屬之詳此固著作之家所不可廢而非嗜占之篤用心與力之勤固不足以知之而且從而好之也歸安沈子東甫來京師示以所著廿一史四譜曰紀元曰封爵曰宰執曰諡法其體蓋出於表歷之流而變其旁行斜上者爲標目舉帝紀之要撮世家列傳載記之綱而類

聚區分合於書志薈萃羣言之法其紀元以大一統爲正而割據僭僞附焉爲得涑水紫陽之通義諡法博攷紀傳又以補夾漈鄱陽之未逮約而不漏簡而該諸史之義例畧備矣夫史以紀成敗考見得失而儒者斷其義不務綜其終始詞人學士但取奇麗可喜之文以資誦習條貫淹通者千百人不得一人能網羅包并自爲一書者數十百年而一見也又況譜牒之學荒絕而莫之好者乎沈子嘗積廿餘年之功合鈔新舊唐書又以其餘輯成四譜其用心與力之勤必有得於古作者之精意予將從而問焉以求無戾於前史其無恡於諗予哉休寧汪由敦序

廿一史四譜例

歷代之史列於學官所以表徵盛衰殷鑒興廢者也讀史者用以攷政治之得失人物之臧否論世之識備焉若但校其命意疎密遣辭繁簡亦已末矣是譜掎摭更爲瑣細特以無意義之可尋求文詞之可聯綴者類之以備記憶其於讀史猶河漢也

四譜所列一据史文史所不載不敢妄書懼失實也其在春秋左氏傳者亦概不闌入不敢援經以入史也

紀元宰執謚法三譜各一縱一橫以資檢核唯封爵譜地旣不一爵復列五故以地爲綱不復更譜

紀元譜前代袁氏有彙編之輯近則四明萬氏有甲子會  
考萬氏專書甲子意不在紀元袁氏考核頗疎正史翻  
多滲挂稗官時復闌入是譜發凡大致本諸袁氏而補  
其漏刪其譌焉

紀元昉自漢武後世遂爲不易之制然類取嘉名貽譏重  
複故乾德之對重熙之易博物稱之至乃離析其文分  
合其字或以火德而議水旁或以體元而疑山壓縱復  
偶中亦同瞽史君子無取焉然偶見史書者亦備書之  
寧慎重云

古者封建有分土無分民魯衛齊宋因地立號漢魏以後

王公升降以戶爲差已非古者分土之制蓋但有空名已無其地更或徒取美號康襄簡肅絕類乎諡至元魏復創假爵以酬功唐室更有別封以任子則幾於勲階恩蔭矣然旣已開國不得不存其虛號故自王公以迄鄉亭爵以等列春秋侯伯次於漢魏王公之後蓋以爵不以時也

記曰加地進律又曰君紬以爵是古者五等本有黜陟然春秋之世未聞伯進而侯侯進而公唯邾人因齊桓而進子杞侯以時王而黜伯要皆不易其本封之國後世旣無分地由于男而遞至王公爵旣屢進地亦數易幾

如遷官轉秩矣譜之所列各要其終之封號次第而進庶易於檢核云

唐宋禮志孔門七十二賢各有封爵或由子而伯或由伯而侯雖事屬異代亦据進封例備書之以識褒崇之意焉

漢之三公猶唐之三省唐之三省卽宋之兩府但唐之三公不同於漢宋之尙書門下兩省不同於唐然權以時輕名仍舊貫至有明太祖盡去三省之長而約畧畱其屬名雖偶同已全非漢唐建官本意此古今官制一大升降也故備識各史設官源流用資考索

歷代宰執各以時序然西漢韋平六朝王謝唐之八蕭宋之諸呂至今豔稱之故復從姓類序以見高門洪族鼎貴一時簪笏之榮搢紳之美古今亦不數見耳

古者南郊請諡稱天以誅帝王之諡一而已矣自唐以後頌盛德而揚豐功臣下擬進重文稱美由宋迄明累至十餘字同於尊號比古今質文之異也各史帝諡列於紀首未免散而無紀庸會之以便參稽故首列廟號次及追尊次及后妃而後据史記周公諡法前後鱗次臚陳史記不載者則据通志所載次列於後通志所無則序其時之前後附於末焉

易名之典人臣至榮然人不一類諡不一格所謂大行受大名細行受細名也休文以後及乎明允漁仲各有成書然要皆臚列諡法不譜其人今以諡爲綱以人爲目雖曰後世錫諡有褒無貶而賢奸眉次臧否錯陳或名浮於實或實戾乎名千秋公論美諡益形其醜固不必三等以定優劣而尙論之旨存焉矣

古來賢聖如日月麗天終古常照固不藉易名以增其美然異代褒崇帝王盛典故比于褒諡於唐姬公加諡於宋亦備載之以見百世聞風具徵懿好

歸安沈炳震東甫氏識

廿一史四譜卷第

卷一之卷四

紀元譜

卷五之卷二十八

封爵譜

卷二十九之卷三十八

宰執譜

卷三十九之卷五十四

諡法譜

廿一史四譜目錄

卷一

紀元譜一

正統上

僭號附

卷二

紀元譜二

正統下

僭號附

卷三

紀元譜三

亂賊

外國

卷四

紀元譜四

總類

卷五

封爵譜一 歷代封爵制

卷六

封爵譜二 上平聲一

卷七

封爵譜三 上平聲二

卷八

封爵譜四 上平聲三

卷九

封爵譜五 上平聲四

卷十

封爵譜六 上平聲五

卷十一

封爵譜七 上平聲六

卷十二

封爵譜八 下平聲一

卷十三

封爵譜九 下平聲二

卷十四

封爵譜十 下平聲三

卷十五

封爵譜十一 下平聲四

卷十六

封爵譜十二 下平聲五

卷十七

封爵譜十三 下平聲六

卷十八

封爵譜十四 下平聲七

卷十九

封爵譜十五 上聲一

卷二十